

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جلدیه مع المنوئیه
قبول اولنور

درج ایمنه بن آثار اعاده اولنور

دیده، فلسفه، علوم، حقوق، ادبیاتده و سیاسیاتده و بالخاصه کرم سیاسی و کرم اجتماعی و مدنی احوال و مشوره اسلامیه و بحث ایدر و هفته ده بر نشر اولنور.

آبونه بدلی

سنه لکی

القی آیلنی

ممالک عثمانیه ایچون	۶۵	۳۵	غروش
روسیه	۶۵	۳۵	روبله
سائر ممالک اجنبیه	۱۷	۹	فرائق

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

عدد : ۹۹

۲۱ رجب لفرد ۳۲۸ پنجشنبه ۱۵ تموز ۳۲۶

دردنجی جلد

براز دیکه یوب صو کره، باق، دیر ظریف :
« سزک نثرکز نظم کزدن لطیف ! »



اون سنه قدر اولیور . شیمدی قسطمونی دارالمعلمین مدیری
بولتان خواجه وصفی افندی قاردشمزله یوشع تپه سنه چیقمش ،
برکیجه قالمش ایدک . زوارک دیکلندکاری قهومک دیواری ، نظوم ،
منثور بر چوق خاطرملره طولو ایدی . وصفی غایت لطیف تعلیق
یازار . الله بر قلم کچیره رک شوقطه بی دیواره نقش ایتدی :

عاکفک نظم بی مألله

خامه روسیاه وصفیدن ،

ظل زائل مثالی قالمشدر

شوقارالتی کلوب کچرلرکن .

محمد عاکف



عرب مجرده مترجم بر قطعه :

ترجمان حال دلدر یار ایله مژگان

بزخوش ، احتساس قلبی سودا سویلیور

ایله سه کده احتراز طعنه دن میل سکوت

دیدلر هر بر نکهد بی محابا سویلیور

طاھر المولوی

لسان عربی

دکتری درالت و ملتک و مفاصه مشیخت علیا ، صدارت عظمایک ،

معارف عمومی نظارتک انظار بصیرتظار لرینه :

(عموم عثمانیلری نسق واحد اوزرینه تربیه)

تاریخ تأسسی مجرد بر (رحمت الهیه : ۶۹۹) قیلندن اوله رق
قوجه بر حکومت اسلامییه تشکیکنه موفق اولان جناب عثمانک ، عالم
اسلامیت و انسانیت ایتدیکی خدمت فاخره سی یالکمز خاکدانیلردن
دکل عموم آسمانیلردن بیله بر لسان تجیل ایله تقدیس ایدلسه
سزادر .

رکن رکن اسلامک تقویه و تحکیمی ، سنن ممدوحه دیانتک ادا
و محافظه سی خصوصنده اک زیاده ابذال مساعی ایدن حکومت اسلامییه نک
برسیده حکومت مفخمه عثمانیهدر .

بر کیجه تابصباح دست برسینه تعظیم و احترام اوله رق دیوارده
معلق بر مصحف شریفه قارشو آباقدہ اوتوران او عثمانجک نسل
اصیل محمندن فاتح کبی ، سلیم کبی اعظم جهانگیران ظهور ایله
عثمانیلک لایق اولدینی قدر و شرف ذی مکاتفی دوبالا ایلشردر .

بر حکومت اسلامییه انقاضندن اوله رق ینه حکومت اسلامییه
اولمق اوزره تشکیل ایدن دولت محترمه عثمانیه نک الی الابد شان و شوکتله

یایدار اوله بیلمه سی ؛ آنجق عقائد حقہ اسلامییه نک ، اخلاق فاضله
عثمانیه نک حسن محافظه سیله درکه بونلره عدم مراعات حالنده (از الله
لایغیر ما بقوم حتی یغیروا ما بانفسهم) زاجر دهشتناکی اوزرینه
خدا نکرده - شوکتله عظیمه عثمانیه نک عاقبتی گرفتار قید و خامت
اوله جنی قورقوسی صفحه خیالی اولدقجه رعشه دار ایدیور . حکومت
مفخمه من ، مدار ترقی و عمران اوله بیله جک بالجله اسباب تمدن
و اعتلای غریبوندن اغتنام و اقتباس ایده بیلمک خصوصنده شایان
ممدوحیت کوریلور ایسه ده عادات حسنه اسلامییه مخالف اولان
اک اهمیتسز بر شیک بیله ولود هولاً اولسون اخلاق عثمانیه کچمه سی
آتیا قابل التیام اوله بیله جق درجه ده حیات سیاسی و ملیه منری رخنه دار
ایده جکندن سوء تقلیددن صوک مرتبه ده توقی ایتمه من و جانب
اساسیه دندر .

عثمانیلر حلیه علیای ملیه لرینی اخلاق عالیة اسلامییه ایله تزیین
ایدوب غریبونک عادات ردیه سی تقلیددن احتراز ایله دکاری نسبتنده
عالم اسلامیت و عثمانیه خدمت ایتش اوله جق لری و آنجق بوصورتله
قیامته قدر شان و عظمتله عثمانی اوله رق یاشایه بیله جک لری درکاردر .
کوره نک پوسکوللی بلاسی اوله رق عادات اسلامییه قاریشان
اک اهمیتسز بر عادت غریبه ایلروده بر درلو قابل تداوی اوله بیله جق
درجه ده جمعیت ملیه ده برداء عضال مهلک تولید ایله معنوی بیوک
تخریبات احضار ایتش اولور .

اوروپا ترقیاتی رأی العین مشاهده ایتک ، تکملات فنی تحصیل
ایله مملکت منری بر شکوفه زار عرفانه قلب ایامک ایچون مکاتب
مختلفه دن بر چوق طلبه نک اوروپا مکاتبه اعزام اولنقده اولدینی
کوروب ایشتمک قدر بیوک بر محظوظیت و سعادت اوله باز ؛ یالکمز
نداولسه ده او اذکیای امت ، عالم عثمانیه آتیا راهبر ترقی و اعتلا
اوله جق او پیشوایان مات محتاج اولدینمز علوم و فنی ، اصول
تکمل و تمدنی آلوبده اخلاق کامله اسلامییه مخالف اولان عادات
غریبه غریبه یی ینه غریبه براقه رق عودت ایتسردی !...

دنیا نک اقطار مختلفه سننده یاشایان بالجله موحدینک حکومت
جلایه عثمانیه معنوی و غایتله جدی و کرمی بر صورتده بسلاک لری
محبت و ارتباطک ، ینه حکومت معظمه منک محافظه عنف و دیاتی
نسبتنده تشید و تأکد ایده بیله جک کنی عرض ایتک ایسه زاندر .

دین اسلامک تعالیمی ، فلسفات دینی منک طرز احسن و اکمل
ایله تعمیم ایتسی ووده کتب معتبره تفاسیر و احادیثک عموم مکاتب
اسلامیه ده حسن تدریس اولنمسیله اوله جق درک و تفحص ایده مامش
بر صاحب اذعان و انصافه تصادف ایتک عذیم الاحتمالدر .

بر چوق مقالهلر ایله توضیح و تبیین ایتدی کمز اصلاح مدارس
مسئله سنک مقامات علیا جده رهین سکوت بر اقامدینی و بر اقیامیه جنی
مسلم ایسه ده یر یوزنده یاشایان بتون اهل اسلامی غیر قابل انفکاک
عین نقطه اتحادده راسخدم و ثابتقدم ایده بیله جک اولان
رابطه اخوت و دیانتک حقیقی و اساسی اوله رق دعاسن طفولیتده

(۳) ادنا، اوسط، اعلا اولیٰ اوزرہ تحصیلک اوج حدی اولوب وقتک مساعدسنه کوره اوج سنه تحصیل ایدہ بیان افندی کوی، آلتی سنه تحصیل ایدن افندی رشدی، طقوز سنه بی اکل ایلین افندی ده اعدادی معلملکرینه تعیین اولملیدر.

(۴) مکتب فوق العاده منتظم بر صورتده ترتیب ایدلش و مکتب عالیہ شعبہ لری یا لکزی ایکیشرسنه قدر بر تحصیل ایچون تأسیس اولنش اوله جغندن مکتب اعدادی بی اکل ایدن افندی، دارالفنون عالیہ، مدرسه، حقوق، حربیہ ملیکیہ، نواب کی شعبہ لریک هر هانکیسنه کیده جک اولسه ایکی سنه ظرفنده اکل ایلہ دو قوتور دیپلوماسنی استحصال ایتہسی ایجاب ایتہکله انتساب ایدہ جکی شعبہ یه کوره طوغریدن طوغری یه هر کس مأموریتہ تعیین اولملیدر.

(۵) دارالفنون شعبہ لرینه مسابقت ایلہ آلملیدر.

(۶) عربجه، فارسی، فرانسزجه، انگلیزجه لسانلری اوله بر طرز اکمل ده اوقوتدرملیدر که مکتبدن نشأت ایدن بر افندی اولسانلر اوزرینه مکمل بر صورتده کتابت و تکلمه مقتدر اولملیدر.

(۷) علوم طبیعیہ عقائد و اخلاقی مکمل اولان و علوم تفسیر و حدیث و مناظره یه بحق واقف بولسان علما طرفندن تدریس اولملیدر.

خاتمه

طایمک اختلافه منی شو مقالہ یه اعتراض ایدہ جک ذواتک وجودینده احتمال یر یا یورسده حسن نیتله یازیلان بر عبارتده بعضنک خوشنه کتیمه جک شیلرک بولیشی نیجه بادی تعریض اوله ماز. حسن نیت ایلہ باشلانان برایش البته مقرون موفقیت اولور امیدندیم.

کورچه لی: خطیب

ماظ علی

ارنجی قونفرانس:

مسلمانلر چالیشیرسه، یشایه جق، ایلرله جک...

بالوده

سباع شریع عبدالرشید ابراهیم افندی حضرتلری طرفندره

بز بوکون بورایه هم کزیمک، هم ده کوروشوب قونوشمق اوزره کلک. بن بر چوق مملکتلری کزدم، چینه، ژاپونیا یه قدر سیاحت ایتدم. دنیاده کی میایونلرجه مسلمانلرک چوغنک مملکتلرینه کتدم. بر چوق قارداشلر مزله کوروشدم. بر چوق شیلر کوردم. ایتمش سکزددر که مسلمانلرک اک چوق بولوندی یی رلر شرق طرفلری در، یعنی «آسیا» دنیان قطعه در. اوراده سزک اوقدر چوق قارداشلر کز وار که صابی ایلہ توکنمز. اولر سزک اوله جاندن قارداشلر کزدر که سزی کورسه لر سونجولرندن هپسی آغلارلر. هر زمره کتدمسه بکا صارمایدیلر، آغلاشدیلر، نیخده آغلاندیلر. و آریلیرکن بکا دیدیلر که: «بزم عثمانلی مسلمان قارداشلر مزه چوق چوق سالاملر

اذهان طلابده نقش و ترسیمه خادم مواعظک مربیلر طرفندن بر مکملیت افاده ایلہ تلقین و بیان ایدلسیله اوله بیلہ جکنی ده فکردن چیقارما ملیدر. مدارس قدیمه ایلہ حاضر دنک بیننده ثرادن ثریایه قدر رفرق عظیم اولدینی اولکی مقالات ایلہ موضوعاً اثبات ایدلمشده. اندلس مدارسنده یتیشدن مشاهیر فضلائچنده بالکتر بیکلرجه اوروپالی اولدینی و بونلرک میاندنه بر قاجنک پایا لقی مقامنی احراز ایلدیکی و کرک اندلس، کرک بغداد و سائر مدرسه لرندن اخذ علوم و فنون ایدن ملل سائر یه منسوب بر چوق ذواتک اوسایه ده اوروپا عالم لرینه نوار ترقیات و مدنیتی نشر و ایصال ایلدکری مسلم انامدر.

مدارس اسلامیہ نک اندراسی و اخلاق غریبه نک اخذ و اقتباسی نسبتنده دین عالی احمدینک کسب ضعف ایدہ جکی و بناء عالیہ عناصر اسلامیة عثمانیه آراسنده اویوزدن محتمل الظهور اولان برودت و منافرنک تزیید ایلدجکی بدیهی سنه بناء حکومت معظمه عثمانیه نک ماده و معنی حیات مستقبله سنی اک زیاده تأمین و محافظه ایدہ جک اولان مدرسه لرک اصلاح و تکثیریدر.

عموماً اهل الاملی و بالخاصه عناصر اسلامیة عثمانیه بی انفصام پذیر اوله یه جق درجه ده متین وقوی بر رشته عالی معنوی ایلہ ربط و بند ایدہ جک آنجق لسان جلیل عربی اوله جغندن لسان عثمانی ایلہ برابر اولسان خوشکوار دینیک ده تعمیمی حالنده روابط اخوت و صمیمیت اورته ده کسب رصانت و متانت ایلر که (انما المؤمنون اخوة) فرمان جلیل ربانی مقتضاسنجه عرب، آرنارود، ترک، لاز، کرد، چرکس، تاتار، بوشناق نه قدر عناصر عثمانیه وارسه جمله سی - لجه کلجمه و دمه کدمه - تعیر صوفیانه سی اوزرینه یکدیگرینک دل و جانی اولور، بر برینه قطعاً بیکانه نظریه باقاز. ایشته اوله بر صروده اختلاف عناصر بلیه سی بستون اورته دن قالقار، یرینه اتلاف و مواخات قائم اولور.

فقط آنفاً اشارت اولدینی اوزره اگرچه حکومت حاضرده اصلاح مدارس و وظیفه مقدسه سی بیش انظاردن دور طوتمیورسده ده ممالک محروسه المسالك عثمانیه نک هر طرفنده بولنان مدرسه لرک کافه سنی عصر حاضرک ایجاب ایتدیردیکی طرز بهین اکملده اصلاح ایلہ هر برینه لزومی مقدار مدرس تعیین ایتک امکان خارجنده اولقله و طنک. دین عالی اسلامک تعالی و ترقیسی هر کسدن زیاده آرزو بیوران مشیخت علما، صدارت عظام و معارف عمومیه نظارت جلیله سی طرفندن شوایام تعطیلیه ده دور و دراز مذاکره ایلہ عموم مکانب اعدادیه مدرسه شکلنه افراغ و مدت تحصیل طقوز سنه یه ابلاغ ایلہ آتیده عرض ایدیلہ جک وجهله امر تدریساتک تحت قراره آلدینی تقدیرده و طنک اساسلی ترقیاتنه تم. آتیش اولور که بومسئله یه عثمانلی عنوان فاخری تحتنده یاشامق ایسته یی عناصر سائر قارداشلر مزله ده جمله سی کمال ممنونیتله روی موافقت کورسته جکی شبهه سزدر.

(۱) مدت تحصیل طقوز سنه اولملیدر.

(۲) کونده اوج نهایت درت درسدن زیاده اوقونما ملیدر.